

Haldáttás iävtuttás ovdâskoodán laahân kuáivuttâhlaavâ nubâsmitmist

IÄVTUTTÁS VÁLDUSISKÁLDÁS

Iävtuttásâst iävtutteh nubâsmittemnáál kuáivuttâhlaavâ.

Iävtuttás vuáddud uáiviminister Sanna Marin haldáttâsohjeml strategisii olesvuotân” Čiddâneutraal já luádu maangâhámásâšvuodâ torvejejee Suomâ” já ton uulmán 8 ”Pyeredep kuáivuttuvâi pirâssuojâlem”. Taan iävtuttásâst ulmen lii oovdânpyehtid tagarijd pirâssuojâlem pyeredejee njuolgâdusâid, moh lohtâseh kuáivuttâhlaavâ já pargo- já iäláttâsministeriö toimâsuárgan.

Iävtuttásâst láá meid västidâm huámmâšuumijd, maid ovdâskode čálusist lii adelum Kaivoslaki Nyt -aalmuglâšalgust. Toos lasseen târkkilistáččii kuáivuttâhvirgeomâháá lopetooimâ meid asáttâstâsisist, tondiet láá iävtuttâm váldâsmitmijd adelid staatâräädi asáttâssáin tâärhib njuolgâdusâid.

Iävtuttásâst iävtutteh páihálii tuhhiittettevuodâ já vaikuttemmáhdulâšvuodâi pyeredem tiet, ete kuáivuttâhlove miedettem iähtun lii kieldâ tuhhiittem kaava. Eereeb iärrás páihálii tuhhiittettevuodâ já vaikuttemmáhdulâšvuodâi pyeredem várás iävtuttásâst iävtutteh meid eres iäláttâsâi huámmâšumán váldim táálâsst čovgâdubbooht kuáivuttâhlaavâ miäldásii lopekuorâttálmist. Iävtuttásâst iävtutteh kiddoduv omâsteijee sajattuv pyeredem tiet já kuáivu ässei feerim hááitui kepidem tiet čovgim malmâuuccâmlove vyeimistoroom juátkimân kyeskee iävttoid, eereeb iärrás eennâmomâsteijei mietâmâš vaattâm, ko malmâuuccâmlope lii lamaš vyeimist love ihheed. Toos lasseen iävtuttásâst iävtutteh tiädufinnimvuoigâdvuodâi pyeredem jyehi ive toollâmnáál ávus aalmugtilâlâšvuodâi vievâst. Vâridemnjuolgâdussâid iävtutteh maangâid nubâstusâid, eereeb iärrás vâridemkuávlun kyeskee viäruándulii máávsu anonváldim já vâridemääigi uánidem.

Pirâssuojâlem tääsi pyereedmân kuáivuttâhlaavâ miäldásii njuolgâdusaddelmist iävtuttásâst iävtutteh nubâstusâid, moi ulmen lii váldid huámmâšumán enâdâhlijd já pirrâsân kyeskee sehe luádu maangâhámásâšvuotân lohtâsejee koččâmušâid ovdiiist nanosubbooht kuáivuttâhlaavâ miäldásii lopekuorâttálmist. Iävtuttásâst iävtutteh meid nubâstusâid kuáivuttâhlaavâ miäldásâid almos prinsiiipâid eereeb iärrás, ete kuáivuttâhtooimâ puoh mudoin toimâhárjutteijee ana puoh kuávlust tiettum kuáivuttâhmineraalijd, maid toimâhárjutteijee puáhtá teknisekonomálvat anneeđ. Lasseen iävtuttás siskeeld târkkilistmijd virgeomâhái ráđádállâmkenigâšvuotân lohtâsejee njuolgâdusaddelmân já almottemmonâttállâm kiddoduv omâsteijee mietâmâššáin olâšuttemnáál malmâucâmân. Iävtuttásâst iävtutteh čovgim kuáivuttâhlaavâ miäldásii táhádâsnjuolgâdusaddelmân já nubâstusâid kuáivuttâhtooimâ joskâmân kyeskee njuolgâdusaddelmân tienuuvt, ete kuáivuttuv stengim muddo muddoost váldoo huámmâšumán kuáivuttâhtooimâ ääigi ovdiiist pyerebeht já kuáivuttuv lopâlâš stengim tábáhtuvâ ovdâsvástádâslávt.

Iävtuttásâst iävtutteh nubâstusâid sämmilij vuoigâdvuodâid algâaalmugin kyeskee njuolgâdussâid, eereeb iärrás târkkilistmijd love occee selvâtemkenigâšvuotân. Lasseen iävtuttásâst iävtutteh tiedeetmân já uásálistmân kyeskee njuolgâdusâi uásild palgâsij sajattuv oovtnâlâsitem.

Laavâ toimâm pyeredem várás iävtuttásâst iävtutteh nubâstusâid love sirdemân kyeskee njuolgâdusaddelmân, kuáivuttâhpanttâtiäđui almolâšvuotân kyeskee njuolgâdusaddelmân, kuáivuttâhtoomâttâsân kyeskee njuolgâdusaddelmân já haldáttâhpággunjuolgâdusaddelmân.

Lopevirgeomâhái naavcâi uásild kuáivuttâhvirgeomâhážân iävtutteh ive 2023 staatâ budjetân târbulijd resursijd.

Laahâ lii uáivildum puáttid vuáimán x.x.2022.